

國民 文獻 分類 編纂

國家圖書館出版社

民國文獻類編續編

教育
卷

799

民國時期文獻保護中心
中國社會科學院近代史研究所
編

民國文獻類編續編



教育
卷
799



民國時期文獻保護中心
中國社會科學院近代史研究所
編

國家圖書館出版社

第七九九冊目錄

南方大學復校國學專修科首屆畢業紀念刊	南方大學國學專修科編	南方大學國學
專修科，一九四四年出版		
持志年刊（卷八）	上海持志學院學生編	上海持志學院，一九三三年出版
.....		
七	一	一

修科首屆畢業紀念刊
南方大學復校國學專

大學之道：
在明明德；
在親民；
在止於至善。

——大學

目 錄

校徽
校訓
緣起
江校長序
校史
題詞
江校長
陳主任
畢業生
論著
文藝
詩詞
校董一覽
教授一覽
職員一覽
同學一覽
襄助一覽
結尾



校 徽

意見溝通事權統一
既以治校亦以謀國

南方大學校刊

江亢雲書



緣 起

經年磨硯，廁身孔氏之門。三載垂帷，篤志董生之業。黃昏燈火，分東壁之餘光。黑夜星霜，墮西溟之冷月。奇經問難，繼日晷於三餘。古籍搜冥，辨誣訛於一字。習師習友，並青氈以論文。如切如磋，垂紅蕊而剔蠹。鳥飛兔走，瞬眼便是過來人。鶴別鴻離，他年待寄相思字。此國專第一屆同學畢業紀念刊之所緣起也。

夫使地無畛域，天假遐齡。白首窮經，集羣言於一室。青藜篝火，磨短晷於百年。則直諒多聞，皆成勝友；詩書執禮，都稱雅言。又何至三疊陽關，隔雲泥而悵惘，一聲河滿，感蒹葭以溯洄也耶？無如華筵終散！郵鼓將傳，月縈思，停雲結想。琴心乍接，數紅豆以填詞。蝶夢遙通，牽黃犬而寄語。莫不情深疇曩，念切今茲。於是糾合同硯，輯成此編。肇建初基，藉垂永久。聲音笑貌，可親接於畫圖；鴻爪雪泥，聊印證於篇什云爾。

中華民國三十三年六月黃覺非識於秣陵客次

江 校 長 序

記有之：凡事豫則立。任何大改革，大建設，必先有周密之計劃，萬全之準備，而後舉而措之，其成功可券也。教育乃百年樹人之大業，至少應自五年十年之計劃與準備。不佞從事教育最早，顧自民十以還，感於現行學制之不良，嘗發表教育亡國罪言，而甚以官廳式之公立學校商店式之私立學校爲可恥！每懷恢復書院聚徒講學之志，而從無意於自辦學校之事。不意民國十一年秋季：上海竟有人假借賤名爲號召，成立所謂「專科大學」。——卽南方大學之前身——學子數百人，既受結而來，一聚不可數。不佞亦以負道德上責任，不得不出而維繫之。蓋一切無計劃：無準備。五年之間，先後成立上海北京兩校，大學四科，中學兩部，畢業者數百人，肄業者數千人。雖過去成績不足道，然而假使必計劃周密準備萬全而後爲之，則南方大學將永不能成立，可斷言也。

不佞去國，兩校停頓，垂十餘年。迨民國二十九年：遊美歸來，校友諸君擬發起恢復南方大學於南京。決議之始，無校址，無基金，貿然僦廡招生，設文學院及國學專修科。其明年：自購校舍，增設法學院及會計專修科。又明年：增設中學，男女兩部，及小學。比及三年，中小學畢業者各近百人，國學專修科畢業者亦十一人。雖將來成就不可知，然而假使必計劃周密準備萬全而後爲之，則南方大學將永不能恢復，又可斷言也。


諺有之：「有意栽花花不發，無心插柳柳成陰。」當其初插也，或出於無心，但土地之培養，雨露之滋潤，風日之煦暉，造花者固多方愛護而長養之，至於成陰成林，而樹木之責始盡。茲當國學專修科紀念刊出版，編者來丐一言爲弁，因追記南大成立與恢復之經過，而深愧此支支節節積寸累之事業，與平日理想中之教育制度，蓋相去甚遠也！

中華民國三十三年六月南方大學校長江亢虎序

校 史

南方大學，原在上海有人冒名號召成立。嗣經全體學生籲請江校長實際主持，乃於民國十一年秋：在上海創辦。成立之初，先設文科，法科，商科，教育科，社會科學科；及國學專修科，英文專修科。每科又分設各系，前後五年，畢業兩次，就學者不下三千餘人。十二年，附設南方中學，前後四年，就學者近二千人。十三年：立分校於北京，設文科，法科，社會科學科；及國學專修科，亦附設中學，前後三年，就學者亦千餘人。曾呈請北京政府立案，並領得庚子賠款補助費，歷聘中西名教授數百人。南北兩校畢業者，共發起組織南方大學校友會，呈請國民政府立案。南京，北京，上海，天津，太原，安慶，南昌，廣州及各地，皆有分會。會員散佈於軍政各界，任衝要之職。而於教育界中任大中小學校長者，尤不勝僂指。迨十五年秋：江校長赴美講學。上海本校，交由胡仁源先生接辦。北京分校，交由萬兆芝先生接辦。校務廢弛，時局劇變，遽於十六年先後停辦；然復校運動，未嘗懈怠。經楊尊暄先生在滬再三發起組織南入同學會，時值國家多故，障礙橫生！惟楊先生持以毅力，弗辭艱險，至民國十八年：總會始告成立。各省同學，聞風響應，紛紛要求設立分會。兩時江，浙，皖，鄂，湘，等省參加之同學，達二千餘人。聲應氣求，極一時之盛。不幸事變猝起，戰禍蔓延！各省分會，無形消散。民國二十九年：江校長游美歸來，率領舊日師徒，改弦更張。首先召集在京同學，發起組織南京校友會，經數月之奔走，多方擘劃，始於二十九年六月二十二日，假清涼山掃葉樓，舉行成立大會；旋賃定南京白下路二一九號為會址。惟該處垣墉彫剝，堂廡圯壞，蟲蟻窟穴，榛叢塵封，弗適於用。迺由江校長醅資修葺，鳩工庀材，閱時數月，直至同年雙十節畢役。棟宇煥然，精神為之一振！即於此際呈請教育部追認立案，補發證書，初期計劃，遂告完成。於是倡議復校，雖有各校友熱心贊助，籌募經費；然杯水車薪，未克有濟！為先籌復校計，爰發起復校運動，組織南方大學復校籌備委員會。即以三十年度上學期：假校友會先行開辦文學院；及國學專修科。嗣此貧乏者，重

辦而至，惟校舍逼仄，不敷容納。江校長鑒於環境之需要，乃措資購屋，覓定校址，卽今之南京石鼓路一〇九號南方大學是也。遷徙以後：恢復法學院，增設會計專修科；并擴充文學院，與國學專修科。三十二年春：又添辦附屬中學小學，就學男女，達七八百人。爲適應當前之需求，更就原有校址，擴而充之，芟蕪葺漏，雖於百端困難中，猶竭力使之臻於美善。比年之就學者，部屋可以寢處，藜藿可以充腸。時際艱難，經營匪易！至於師資之延攬，辦事人員之選用，無不寓嚴整於簡素之中。本屆畢業者，計有大學部國學專修科一班，初中一班，高小一班，都三百餘人。他日菁莪蔚起，南大前途，正未有艾也。



南方大學
國學專修科
第一屆畢業紀念刊

機械作人

丁丑年題



南方大學國學專修科第一屆畢業紀念刊

環觀世界諸先進國各有其本國一貫之教育宗旨其民族性歷史性民生國策固不胥寓於中為家庭教育社會教育學校教育而大學又為其結晶焉我國自廢棄科舉而後始仿效歐美學校之制以為彼所有者我必有之唯一搬拾皮毛塗飾耳目雖違背國情刻激天性固不暇計也浸假三十年來以改釀成全國學子中風而垂泥溺不返浮情激蕩以迄於今變今我國正當非常戰時體制之中復值南大國學專修科首屆畢業之期江校長有見乎此故不惜苦心訓導爰則不僅培養恬靜寧靜之才法則不獨作成儼然排闥之士而已今諸同學畢業成就出為國家効同社會服務其責任之艱鉅尤非昔比爰負數言願共勉旃焉

陳大通題

